

«ՏԷՐՈՒԹԻՒՆԸ» ՈՐՊԵՍ ՎԱՍԱԿԱՍՅՈՒԶԵՐԵՆԱԿԱՆ
ՀԱՐԱՐԵՐՈՒԹՅՈՒՆՆԵՐԸ ԱՐՏԱՑՈՂ ՏԵՐԾԻՆ

(IX դար—X դարի առաջին երեսնամյակ)

Ռ. Ի. ՄԱԹԵՎՈՍՅԱՆ

«Տէրութիւն» IX դարից սկսած աղբյուրները այդպէս են անվանում հայրենատեր ֆեոդալների սեփական տիրութիւնները: Այդ տիպի ժառանգական հողատիրութիւնը ծագել էր նախարարական սիստեմի քայքայման հետեանքով, որի շնորհիվ նախարարական, տոհմային հողատիրութիւնը փոխարինվել էր անհատ ֆեոդալների (նախկին սեպուհների) սեփականատիրական հողատիրութեամբ¹: Տոհմերի ներսում առաջացել էին նոր ճյուղեր (կրտսեր տներ), որոնք ներկայացնում էին առանձին ֆեոդալական կազմավորումներ:

IX դարում Բագրատունյաց տոհմի ներսում կային երկու զլխավոր ճյուղեր՝ Տարոնի (Հայաստանի հարավում) և Սմբատ սպարապետի հիմնած (երկրի կենտրոնական և հյուսիսային մասում), հետագայում նրանց թիվը ավելացավ: Արծրունյաց տոհմը IX դարում ուներ 16 ճյուղ, մի քանի ինքնուրույն ճյուղեր ունէին շրջանում կային նաև Սյունիքում²: Իհա այդ առանձին ֆեոդալական տներին պատկանող հայրենատեր հողատերերի սեփական տիրութիւնները X—XIII դդ. մատենագիրները անվանում են «հայրենի տէրութիւն»:

«Տէրութիւն» կոչվել են նաև առանձին խոշոր պետութիւններ, օրինակ՝ Արաբական խալիֆայութիւնը, Բյուզանդական կայսրութիւնը, նաև Հայաստանը³:

Բայց այդ տերմինը ունեցել է ևս մեկ իմաստ, որի վրա մինչ այժմ ուշադրութիւն չի դարձվել: X—XIII դդ. հայ պատմիչները «տէրութիւն» բառով արտահայտել են վասալայութեան հարաբերութիւնները գերագույն սուլթանների (թագավորի կամ դահերեց իշխանի) և նրա վասալ իշխանների միջև: IX դարի սկզբից սկսած այդ կապերի ամբողջութիւնը, վասալի տեսքը որպէս ինստիտուտ, երևան է գալիս պատմիչների երկերում «տէրութիւն» արտահայտութեամբ: IX դարում առաջին, միաժամանակ նաև ամենակարևոր վկայութիւններից մեկը, որի շնորհիվ հնարավոր է պարզել «տէրութեան» դասային ու վարչաքաղաքական կառուցվածքը, պարունակում է Թովմա Արծրունու աշխատութիւնը, այդ պատճառով մեղ զբաղեցնող հարցի բնութիւնը սկսում ենք վասպուրականի «տէրութիւն»:

849 թ. Հայաստանի ոստիկան Աբուսեթը վերակացութիւնը հանձնարարել էր Արզնի և Ներքին Միջագետքի ամիրա Մուսեին⁴, որը մտնելով Տարոն, փորձում էր գերել Հայոց իշխան Բագարատ Բագրատունու: Բագրատը օգնութեան համար դիմել էր իշխան Աշոտ Արծրունու, որի հետ կապված էր աղղակցութեամբ, ինչպէս նաև «ուխտով»: Ստանալով լուրը, Աշոտը արագապէս համագումար ժողով առնէր ամենայն աշխարհին և ամենայն նախարարօք Վասպուրական տէրութեան: Փութանակի և վաղվաղակի իւրաքանչիւր զօրօք անդր հասանէին՝ իշխան Աշոտ և եղբայր իւր Գուրգէն և Գրիգոր զօրօք իւրեանց, և ի տոհմէն Արծրունեաց՝ Վահան և Վասակ և Մուշեղ և Ապուլէլմ և Գուրգէն և Վասակ և Ապուլէափր և Մուշեղ և Ապումայեայ և Վասակ և Վահան և Համազասպ և Վասակ որդի Գրիգորի և Ապուլէգէմ և Մեհուծան և Գրիգոր, սորա ամեններին արք ժգ ի տանէն Արծրունեաց զօրօքն իւրեանց, և ի տանէն Բագրատունեաց Թոռնկայ որդի զօրօք իւրովր. ի տոհմէն Ամատունեաց Շապուհ ը հարազատօք և զօրօք իւրեանց. ի տոհմէն Գնունեաց Գրիգոր որդի Հազրի զ այլ ևս հարազատօք և զօրօք իւրեանց. ի

¹ Զ. Թ ու մ ա ն յ ա ն. Հայաստանի տնտեսական զարգացման պատմութիւն. Երևան, 1960, էջ 105:

² Հայ ժողովրդի պատմութիւն. հ. 3, Երևան, 1976, էջ 165—169:

³ Հովհաննու կաթողիկոսի Դրասխանակերտցւոյ պատմութիւն հայոց. Թիֆլիս, 1912, էջ 292: Թովմայի վարդապետի Արծրունու պատմութիւն տանն Արծրունեաց. ՍՊԲ, 1887, 123, 124, 126: Ստեփանոսի Տարօնեցւոյ Ասողկան պատմութիւն տիեզերական. ՍՊԲ, 1885, էջ 164:

⁴ Թ ո Վ մ ա Ա Ր Ժ Ր Ո Ւ Ն Ի, էջ 107—108:

տոհմին Ընտրունեաց Արտաւազդ է հարազատօք և զօրօք իւրեանց. և այլք ի նախարարացն Վասպուրական իշխանին, Սմբատ Ապահունի, Գրիգոր Քաջբերունի, Վահան Հաւնունի, սեպուհն Դաւիթ, Գազրիկն Ապուհարազ, Թողորոս Վարազիս, Խոսրով Վահունի, Խոսրով Ակէացի, Վարդան Գարայեղէն, Սմբատ Մարացեան, սեպուհ մի Սահակ. Պատրիկն Անձնացի, Գորգ Հարմացի, Դաւիթ Գունդսաղար. և այլ բազումք յազատ տանէ, իւրաքանչիւր զօրօք գումարեալ. ի մի վայր խաղացեալ՝ զնացին հասին յայն վայր...»⁵:

Այս հաղորդումը մեծ արժեք է ներկայացնում Վասպուրականի «տէրութեան» ներքին հիերարխիկ կազմը պարզելու համար: Ինչպես երևում է պատմիչի հաղորդումից, նրանում կարելի է առանձնացնել երկու հիմնական խումբ: Առաջինը Արծրունի իշխան Աշոտի եղբայրները և Արծրունյաց տան 16 այլ ներկայացուցիչներն էին: Նրանց հետ միասին Վասպուրականի ազնվի փոքր տների նաչապետները (զահերեցներ)⁶, օրինակ՝ Ամատունիներ, Տրունիներ, Գնունիներ, Թունիկյաններ կրտսեր ճյուղը: Այդ խմբի ներկայացուցիչները համարվում էին Վասպուրականի «տէրութեան» և Վասպուրականի իշխանի «նախարարներ»:

Նյութ խումբը կազմում էին ազատները՝ «յազատ տանէ» և բացի այդ կային առանձին «սեպուհներ», որոնք նույնպես ունեին իրենց զորամասերը: Այլ առիթով պատմիչը նորից հիշատակում է Վասպուրականի նախարարներին: Բուդայի արշավների ժամանակ Աշոտ Արծրունին ասրացել էր Նկան բերդում, որտեղ ընդ նմա էին գուեղք ազատաց և նոցին զօրաց ըստ տոհմս ազդաց, ի բնիկ նախարարացն Վասպուրական տէրութեանս»⁷: Այդ վկայութիւնից երևում է, որ Վասպուրականում կային «բնիկ նախարարներ», որոնք իրենց ազատներին տրամադրել էին Աշոտին: Ի վերջո Աշոտը ստիպված է եղել հանձնվել Բուդային. նա և «այլք նախարարք ի տանէն Արծրունեաց» աքսորվեցին Սամառա: Դրանց թվում էին Աշոտ իշխանը իր քնտանիքով, որդին՝ Գրիգորը, Վահան Արծրունին և նրա որդի Գագիկը (Ապումրվան), եղբայրը՝ Սուշէղը, ինչպես նաև «զայլս ազատաստանէ»⁸:

Վերը մեջբերված երկու վկայութիւններից երևում է, որ Վասպուրականի «տէրութիւնը» կազմված էր «նախարարներից» (այդպես է անվանում պատմիչը իշխաններին) և ազատացուց: «Տէրութիւնը» գլխավորում էր Աշոտ Արծրունին, որը լինելով Արծրունյաց մեծ իշխան (զահերեց)⁹, մյուս ֆեոդալների կողմից ճանաչված էր ամբողջ Վասպուրականի իշխան¹⁰: Աշոտը միաժամանակ համարվում էր Վասպուրականի «նախարարների» «տէրը»: Թովման գրում է, որ Աշոտի նախարարներից Վահան Ամատունին եկել էր Նկան բերդը. «ուր տէրն իւրեանց կար»¹¹: Վասպուրականի «տէրութիւնը» Թովման հիշատակում է նաև Աշոտ իշխանի հաջորդների՝ Գրիգոր-Դերենիկի, նրա որդի Աշոտի և վերջինիս Էղբայր Գագիկի (908-ից՝ Վասպուրականի թագավոր) օրոք¹²:

Գագիկի մասին պատմիչը գրում է, որ նա աշտիճանաբար զորեղանում է և «...զամենայն դրացիս և որք շուրջ զկողմամբ իւրոյ իին տէրութեանն նուաճեալ ընդ իշխանսասատ հրամա-

⁵ Նույն տեղում, էջ 109:

⁶ Հմմտ., օրինակ, Շապուհ՝ նահապետ Ամատունիների (Թովմա Արծրունի, էջ 199):

⁷ Նույն տեղում, էջ 133:

⁸ Նույն տեղում, էջ 139, 151:

⁹ Հովհաննես Դրասխանակերտցի, էջ 119: Թովմա Արծրունի, էջ 109:

¹⁰ Թովմա Արծրունի, էջ 109, 111, 116, 125, 139:

¹¹ Նույն տեղում, էջ 131:

¹² Թովմա Արծրունի Դերենիկի մասին գրում է, որ նա «էր ամաց իբրև տասանց յորժամ նստաւ յաթոռ տէրութեան հօր իւրոյ» (էջ 202): Նրա որդի Աշոտի հետ զահերեցութեան համար մրցակցում էր Արծրունյաց այլ ճյուղից Գագիկ Ապումրվանը, որին կարճ ժամանակով հաջորդելու է հասնել նպատակին. Սմբատ I Բագրատունու եղբայր Շապուհը «...կացուցանէ զԳագիկ՝ իշխան Վասպուրական տէրութեանն...» (Թովմա Արծրունի, էջ 235: Հմմտ. Հովհաննես Դրասխանակերտցի, էջ 173, 190): Աշոտի մահից հետո «առնու զիշխանութիւնն Վասպուրական տէրութեանս Գագիկ եղբայր նորին» (Թովմա Արծրունի, էջ 251): Պատմիչը գրում է, նաև, որ Գագիկ և Գուրգեն եղբայրները «ղրուրս երկիրս իւրանց տէրութեանն բաժանեցին» (նույն տեղում, էջ 251: Հմմտ. Հովհաննես Դրասխանակերտցի, էջ 210):

նա՝ ի հառաջությամբ գրաւէ իւրոյն տէրութեան¹³։ Պատմիչի այս վկայութիւններէն երևում է, որ Տէրութիւնը կապված էր վասակական ծառայութեան հետ։ Շատ բնորոշ է Մոկաց և Ան-ձեաց յայտնանքի օրինակը։ Ժամանակին այդ երկուսին ենթարկել էր Աշոտ իշխանը (Դե-րենիկի օրդին)¹⁴։ Դադիկի օրոք Մոկաց իշխանները փորձում են ազատվել կախումից, շնորհիվ չափազանց հարկը և անտեսում են Դադիկի սպառնալիքները, այդ պատճառով վերջինս ասպատակում է Մոկաց երկիրը¹⁵։

Թուվմա Արծրունին հետաքրքիր տեղեկութիւններ է հաղորդում Տէրութեան վարչական սպարաւոր մասին։ Պատմիչը գրում է, որ Աշոտ իշխանի եղբայր Գուրգենը 7 տարի Արարի-ւքում ղեկավարում էր լինելուց հետո վերադարձավ Վասպուրական և ցանկացավ «միապետել զիշխանութիւն տէրութեան և յարդարել կարգել յօրինել զկարգս շփոթեալ ավերեալ երկրիս»¹⁶։ Ուրեմն «տէրութիւնը» ունեցել է նաև իշխանութիւն։ Պատմութեան այլ հատվածներում հանդի-սող հակիրճ տեղեկութիւններ կարելի է պատկերացնել այդ իշխանութեան էությունը։

Նույն Գուրգենը Աշոտի գերութիւնից հետո խնդրում է Բուղային «տացէ ի ձեռս նորա զիշ-խանութիւն Վասպուրականի փոխանակ եղբոր իւրոյ», իսկ Բուղան խոստանում է կատարել խնդիրը, եթե Գուրգենը ներկայանա իրեն¹⁷։ Վերջինիս իշխան հաստատվելուց հետո պաշտոնա-պես հայտարարվում է, որ «առաւ իշխանութիւնն Վասպուրականի աշխարհին ի ձեռս Գուրգէնի, փոխանակ եղբոր իւրոյ Աշոտոյ տիրել ընդ նոսա»¹⁸։ Բայց Գուրգենը ինքը խաբէութեամբ աք-սորվում է Սամառա¹⁹։ «Յետ բառնալոյ իշխանութեանն ի Վասպուրական երկրէն, — շարունա-կում է պատմիչը, — մնացին տոհմը Արծրունեաց ըստ աղգս աղգս՝ քաջն Գուրգէն (Ապուպիւծ — Խ. Մ.), և Մուշեղ եղբայր իւր և Ապուջափր... և Վասակ... և այլք ի տանէն Արծրունեաց և ա-ղատոր նոցա»²⁰։ Եվ նրանք «կուսու զնէին յաղագս իշխանութեանն ցանկութեան»։ Մի մասը ցան-կանում էր Գուրգէն Ապուպիւծին. «զԳուրգէն յառաջ ածեն ի պատիւ իշխանութեանն», մյուս-ները՝ Ապուջափրին կամ Վասակին²¹։ Սկզբնապես հաղթում է Ապուջափրը, նրա կողմնակից-ները «աւաջնորդ կացուցանէին իւրեանց զԱպուջափր Արծրունի»²²։ Այնուհետև Վասակ Կովա-կերին հաջողվում է դառնալ իշխան, բայց կարճ ժամանակից նրան գերում է Գուրգէն Ապու-պիւծը և «յինքն գրաւեաց զղօրաւարութիւն բոլոր Վասպուրական տէրութեանս»²³։ Դրանից հետո նրա իրավունքը ճանաչում է նաև Բուղան և նրան հանձնում «զղլխապետութեան սուսեր իշխանական» և «կացուց զնա իշխան յիւրում հաւատարիմ տեղադր»²⁴։

Իշխանութեան մասին խոսելիս պատմիչը երբեմն այն անվանում է «իշխանական պետու-թիւն»։ Աշոտ Արծրունու (Դերենիկի հոր) մասին նա գրում է. «Եւ սորա ժամանակս (Ջափր խա-լիֆի) տիրէր Վասպուրական աշխարհիս Աշոտ ի տանէն Արծրունեաց... և անուանի եղեալ քան որ յառաջագոյն... մանաւանդ որ ի Վասպուրական աշխարհիս էին կացեալ նախարարք իշխա-նական պետութիւնս»²⁵։ Այդպիսի «իշխանական պետութիւն» ունեին նաև Վասպուրականի մյուս դահլիճի իշխանները²⁶։ «Իշխանական պետութիւն» նշանակում է գերագոյն սյուզերենի

13 Թ ո վ մ ա Ա ր ծ ր ու ն ի, էջ 279։

14 Ամրատ I Բագրատունու և Ապահունիքի կայսիկների կոնվենցիան մասնակցում էին նաև Մոկաց և Անձեաց իշխանները Աշոտ Արծրունու գլխավորությամբ, «վասն զի իշխանն Մո-կաց և իշխանն Անձեացեաց նուաճեալ էին ընդ ձեռամբ Վասպուրական իշխանութեանն» (Թ ո վ մ ա Ա ր ծ ր ու ն ի, էջ 245—246)։

15 Թ ո վ մ ա Ա ր ծ ր ու ն ի, էջ 279—280։

16 Նույն տեղում, էջ 202։

17 Նույն տեղում, էջ 143—144։

18 Նույն տեղում, էջ 150։

19 Նույն տեղում, էջ 151։

20 Նույն տեղում, էջ 191։

21 Նույն տեղում, էջ 192։

22 Նույն տեղում, էջ 195։

23 Նույն տեղում, էջ 196։

24 Նույն տեղում, էջ 198։

25 Նույն տեղում, էջ 107։

26 Աշոտի մահից հետո «սպառազանց զիշխանական պետութիւնն զայն Գրիգոր օրդի նորա ընդ նորա, որ Դերենիկն անուանիր» (տե՛ս Հ ո վ հ ա ն ն ե ս Դ ր ա ս խ ա ն ա կ ե ր տ ց ի, էջ 135)։

վարչաքաղաքական իրավունքները տվյալ երկրում²⁷։ Օրինակ, Թովմա Արծրունին գրում է, որ 862 թ. գերված հայ իշխանները վերադառնում են Սամառայից՝ «չիրաքանչիւր բնիկ տէրութիւնս... և հնազանդեալք ընդ պետութեամբ իշխանաց իշխանի»²⁸։ Այս հատվածում խոսքը Աշոտ Բագրատունի իշխանաց իշխանի պետության մասին է։ 862 թ. խալիֆը Աշոտին նշանակեց Արմինիայի կառավարիչ՝ հանձնելով նրան արաբ ոստիկանի ֆունկցիաները։

Թովմայի այս տեղեկություններում «իշխանությունը» կամ «իշխանական պետությունը» ներկայանում է որպես «պատիւ», որի հետ կապվում է զորավարությունը, զինապետությունը, առաջնորդությունը։

Զորավարություն = զորավար լինել, ունենալ իշխանություն և առաջնորդություն-9։ Զորավարին կարելի է նույնացնել ռազմավարական պաշտոնյաների հետ, որոնք միաժամանակ ունենին և՛ վարչական (քաղաքացիական), և՛ զինվորական իշխանություն։

«Իշխանական պետությունը» ուներ իր վարչական ապարատը։ Թովմայի մոտ կան որոշ տեղեկություններ նրա մասին։ Նկան բերդում Աշոտի ամրանալու կապակցությամբ Թովման գրում է. «Իսկ իշխանն Աշոտ, առ սակաւ սակաւ ամփոփեալ ընդանեօք իւրօվք, և ընդ նմա ումանք յազատաց իւրոց, Մուշեղ Վահեունի, որ զտանուտրական պատին ուտէր, և Վահրամ սեպուհ թիկնապա՝ իշխանին և Վահրամ Տրունի և Հասան և այլք ի սեպուհ՝ պաշտօնէից՝ և եկին մտին ի բերդն Դղեակ, յամրոցն Նկան, որ ի Թոռնավան գաւառիս»³⁰։ Բայց երբ պաշարումը երկարում է և գրությունը ծանրանում, ազատներից ոմանք զաղտնի որոշում են համաձայնության գալ Բուղայի հետ։ Նրանք նամակ են գրում Բուղային, որտեղ մասնավորապես նշում են. «Եւ արդ, մեք, նահապետք ազատաց Վասպուրական իշխանիս՝ Մուշեղ ի ցեղէ Վահեունեաց, Վահրամ յազգէ Տրունեաց, Վահրամ միւս, որ և թիկնապա՝ իշխանիս, և այլ զունդք ազատաց և զօրական պետութեանց, ի ձեռս մեր է հոգաբարձութիւն աշխարհիս»³¹։ Այս տեղեկությունից երևում է, որ Աշոտի ազատներին հանձնարարված էր Վասպուրականի հոգաբարձությունը, նրանք համարվում էին «զորական պետութեան» և «սեպուհ՝ պաշտօնէից»։ Նշված զորականները և սեպուհները հանդիսանում էին «պետության» վարչական մեխանիզմի սպասավոր-պաշտոնյաներ (սեպուհ՝ պաշտօնէից» ըստ Թովմայի), նրանց տրված էին հոգաբարձության, այն է՝ վերականգնության տարբեր ծառայությունները (տանուտերություն և այլն)։ Նրանք նշանակվում էին ազատների «նահապետներից» և կոչվում էին «զունդք ազատաց»։ «Գունդ» նշանակում է առանձին խումբ, դաս³², հենց այդ դասից էին հավաքագրվում սեպուհ՝ պաշտօնէից կոչվող մանր զործակալները։

Պաշտոնավարությունը կատարվում էր որպես ծառայություն, Աշոտի և նրա ազատների միջև կար թուխտս։ Թովման գրում է, որ դավաճանելով Աշոտին, ազատները խախտեցին «միաբանութեան ուխտը», որը կար նրանց միջև³³։ Ազատների համար Աշոտը «հայր»³⁴ էր՝ սյուզեն-րեն³⁵։

Աշոտը և Արծրունյաց մյուս մեծ իշխանները Վասպուրականում միաժամանակ և՛ իշխան էին՝ զահեբեց իշխան, օժտված վարչաքաղաքական իրավունքներով, և՛ «տէր», զինավորում էին

27 Պետություն—վարչական իշխանություն (տե՛ս նոր բառգիրք հայկազեան լեզուի. հ. 2, Վենետիկ, 1837, էջ 646)։

28 Թովմա Արծրունի, էջ 207։

29 Նոր բառգիրք հայկազեան լեզուի. հ. 1, Վենետիկ, 1836, էջ 56։ Գլխապետություն նշանակում է զորապետություն, ազգապետություն, տանուտերություն (նույն տեղում, էջ 560)։

30 Թովմա Արծրունի, էջ 131։

31 Նույն տեղում, էջ 134։ Մուշեղ Վահեունուց հետո տանուտեր էր Ռոստոմ Վարամունին (նույն տեղում, էջ 214)։

32 Նոր բառգիրք. հ. 1, էջ 581։

33 Թովմա Արծրունի, էջ 133։

34 Աշոտը ազատներին պարսավելով ասում է. «Ապա թէ իրրե զհայր զրգեալ և զգունալ էի զձեզ...» (Թովմա Արծրունի, էջ 136)։

35 Բազրատունյալ Հայաստանում (ինչպես և այլ երկրներում) սյուզերենին և վասալին անվանում էին «հայր» և «որդի», որոնք կապված էին «զաշխնքով» (տե՛ս ՀՍՀՄ ԳԱ «Երաբեր հաս. գիտ.», 1977, № 10, էջ 46—54)։

թե՛ «տէրութիւնը» և թե՛ «իշխանութիւնը»³⁶։ Վասպուրականի մյուս խոշոր ֆեոդալների՝ «նախարարներին» համար նրանք «առաջինն էին հավասարների մեջ»։

Սյունյաց «տէրութիւնը»։ IX դարի սկզբին հին նախարարութեան բայթայումով Սյունիքում նույնպէս գոյացել էր նոր որակ, նախարարական հողերը բաժանվել էին տոհմի անդամների միջև, որոնք դարձել էին ինքնուրույն իշխաններ։ Սյունիքում նրանք կոչվում էին գահակալ իշխաններ³⁷։ IX—X դդ. Սյունիքում կային մի քանի գահակալ իշխանութիւններ. նրանց միջև տեղի էր ունենում մրցակցութիւն առաջնութեան և գերիշխանութեան համար, որի ընթացքում ավելի աղղիկը վասակական հպատակութեամբ իրեն էր ենթարկում մյուսներին։

IX դարի սկզբին ամենաազդեցիկը «Սիւնեաց նահապետ» Վասակն էր։ Նրա մասին Օրբելյանը գրում է. «Իսկ դարձեալ եղեն գահակալ իշխանք Սիւնի, առաջին՝ Վասակ որ էր մեծ նահապետ Սիւնեաց»։ Միաժամանակ Վասակը ճանաչված էր «Սիւնեաց տէր և իշխանաց իշխան»³⁸։ Այդ առթիւ 2. Ութմաղջանը ճիշտ նկատում է, որ Վասակը նահապետ չէր բառի հին իմաստով (նախարար), այլ մյուսների նկատմամբ գերիշխող, սյուզերեն դիրք ունեցող³⁹։

821 թ. Վասակի մահից հետո նրա որդիները՝ Փիլիպպեն և Սահակը բաժանում են հոր տիրապետութիւնը. առաջինը դառնում է «գահերէց իշխան Սիւնեաց» և ժառանգում տիրույթներն մեծ մասը Վայոց ձոր կենտրոնով, իսկ կրտսերին քաժին է հասնում Գեղարքունիքը⁴⁰, ուր առաջանում է ինքնուրույն գահակալ իշխանութիւն։ Այսպիսով, Սյունյաց «իշխանաց իշխան» տիրապետութիւնը տրոհվում է թե՛ տարածքի և թե՛ քաղաքական իմաստով։ Փիլիպպենի հիմնած Վայոց ձորի ճյուղը այնուհետև հանդես է գալիս որպէս գահերեց⁴¹։

Տրոհման պրոցեսի հետևանքով մինչև IX դարի վերջը Սյունիքում առաջացել էին հինգ գահակալական ճյուղեր։ Դրանք էին. Վայոց ձորի ճյուղը (նրան պատկանում էր Սյունիքի մեծ մասը՝ Վայոց ձոր, Բաղք, Մղուկ, Ծահուկ, Հաբանդ), Գեղարքունիքի ճյուղը, Գրիգորի ճյուղը (Սյունիքի հարավում), Սահակյանների և Զաքիկյանների ճյուղերը⁴²։

Այսպիսով, IX դարի սկզբից Սյունիքը (ինչպէս և Վասպուրականը—Ռ. Մ.) ոչ թե նախարարական, այլ մասնատված իշխանական երկիր էր⁴³։ Այդպիսի պայմաններում Վայոց ձորի գահերեցների «իշխանական գահը» Սյունիքում համարվում էր «թուն գահ իշխանացն Սիւնեաց»⁴⁴։ IX դարի վերջում—X դարի առաջին կեսին Վայոց ձորի իշխանութիւնը գլխավորել են Փիլիպպենի որդի Աշոտը և նրա որդի Սմբատը։ Այս երկուսին պատմիչը անվանում է գահերեց իշխաններ⁴⁵, բայց միաժամանակ և «մեծ իշխանք գահազուխք Սիւնեաց տէրութեան Աշոտ և որդի իւր՝ Սմբատ», «գահազուխս իշխան Սիւնեաց և տէր ի վերայ ամենայն Սիսական աշխարհին»⁴⁶։

36 Գրիգոր-Դերենիկի սպանութիւնից հետո Գագիկ Ապուլմըրվանը դարձավ «իշխան և տէր իւրեանց (իշխանների—Ռ. Մ.) ի աշխարհին Վասպուրականի»։ Սմբատ I հայոց թագավորը հրամայեց նրա ժողովարան «կացուցանել տէր ի տանն Վասպուրականի» Գագիկ Արծրունուն (Գրիգոր-Դերենիկի որդուն), որը միաժամանակ և Վասպուրականի իշխանն էր (տե՛ս Պատմութիւն Անանուն պրուցագրի, կարծեցեալ Շապուհ Բագրատունի. թարգմանութիւնը գրաբարից, առաջարկեց ու ծանոթագրութիւնները Մ. Դարբինյան-Մելիքյանի. Երևան, 1971, էջ 169, 173, 175, 177)։ Գրիգոր-Դերենիկը «տէր» և իշխան (Թ ո վ մ ա Ա թ ժ ու ն ի, էջ 202)։

37 2. Ութմաղջան. Սյունիքը IX—X դարերում. Երևան, 1958, էջ 28—30։

38 Պատմութիւն նահանգին Սիսական, արարեալ Ստեփաննոսի Օրբելյան արքեպիսկոպոսի Սիւնեաց. Թիֆլիս, 1910, էջ 158, 296։

39 2. Ութմաղջան. նշվ. աշխ., էջ 27—28։

40 Ստ. Օրբելյան, էջ 296—297։

41 2. Ութմաղջան. նշվ. աշխ., էջ 32։

42 Նույն տեղում, էջ 26։ Թ. Հակոբյան. Սյունիքի թագավորութիւն. Երևան, 1966, էջ 53—56։

43 2. Ութմաղջան. նշվ. աշխ., էջ 26։

44 «Թուն գահ իշխանացն Սիւնեաց էր Բաղք, Վայոց ձոր և այլ շրջակայքն՝ Վասակայ և Աշոտայ և որդւոց Աշոտայ...» (Ստ. Օրբելյան, էջ 176, 177)։

45 Ստ. Օրբելյան, էջ 185, 199, 229, 231, 235, 237, 247, 252։

46 Նույն տեղում, էջ 183, 185։ Այլ տեղ պատմիչը գրում է. «Ի ժամանակս թագաւորութեանն Հայոց Արլ-Աբաթայ՝ որդւոյ Սմբատայ թագաւորի, և ի տէրութեանն Սիւնեաց Սմբատայ... 378 (929, տե՛ս էջ 258)։

Այս վկայություններից պարզվում է, որ Սյունիքում նույնպես կար «տէրութիւն», որը ունեցել է գահազուլիս իշխաններ. միաժամանակ նրանք Սյունյաց մյուս իշխանների կողմից ճանաչվել են Սյունյաց «տէր և իշխանաց իշխեցողներ»:

Գահազուլիս = գահով գլխավոր, առաջինը, նա առաջինն էր մյուս գահակալների մեջ և որպէս այդպիսին գլխավորում էր Սյունյաց «տէրութիւնը», ուներ «իշխանութիւն»: Պատմիչը գահազուլիս իշխան Սմբատի (Աշոտի որդու) մասին գրում է. «Եղև շինութիւն և ուխտին (Վահանավանքի—Ռ. Մ.) 360 թուականին Հայոց, ի թագաւորութեանն Սմբատայ Բագրատունւոյ, յիշխանութեան Սիւնեաց գահերէց իշխանին Սմբատայ՝ որդւոյ Աշոտայ...»⁴⁷:

Այս տեղեկությունների շնորհիվ կարելի է եզրակացնել, որ Սյունյաց դահեղեղը ունեցել է «իշխանութիւն», որը սվյալ դեպքում կարող է լինել գահազուլիս «իշխանութիւնը»: Ուրեմն, Սյունյաց գերագույն սյուզերենը ունեցել է միաժամանակ և՛ իշխանություն, և՛ «տէրութիւն». նա Սիսական աշխարհի և՛ իշխանն էր, և՛ «տէրը», այսինքն գերագույն կառավարիչը (իշխան) և գերագույն սյուզերենը: Նա ունեցել է նաև «իշխանական պետութիւն», շնայած Ստեփանոս Ժրբելյանը դրա մասին մանրամասներ չի հաղորդում⁴⁸:

Որն էր նրա «իշխանութեան» էությունը:

Սյունյաց գահազուլիսը իշխանաց իշխեցող էր, բայց նույն գահազուլիսը անվանվում էր նաև իշխանաց իշխան⁴⁹: Գահազուլիս՝ գահ ունեցողների մեջ առաջինը (primus inter pares) իշխանների մեջ իշխեցող լինելը ցույց է տալիս, որ նա կարգավորում էր վարչաքաղաքական հարաբերությունները ֆեոդալների միջև, իսկ դրա համար անհրաժեշտ էր ունենալ վարչական յսպարատ (իշխանական պետություն) «տէրութեան» շրջանակներում:

Հետագայում, երբ Սյունիքում առաջացավ թագավորություն, Վասակ թագավորը (998—1040), որը ժառանգել էր հոր (Սյունյաց թագավոր Սմբատ I-ի) «տէրութիւնը», իր եղբայր Սեփաղային նշանակեց «իշխանաց իշխան ազատակոյտ զօրաց իւրոց»⁵⁰: Նույն Վասակի քույրը ամուսնացած էր Սյունյաց տոհմից Աշոտի հետ, «որ էր իշխանաց իշխան ամենայն թագաւորութեանս»⁵¹: Վասակ թագավորը մահացավ անժառանգ և այդ պատճառով թագավորեցրին Աշոտի որդի Սմբատին⁵² (Սյունյաց թագավոր Սմբատ II, 1040—1051), իսկ իշխանաց իշխանի պաշտոնում Աշոտին հաջորդեց վերջինիս մյուս որդին՝ Գրիգորը («իշխանաց իշխան Սիսական աշխարհիս») ⁵³:

Բերման տվյալներից երևում է, որ Սյունիքում թագավորության կազմավորումից հետո գահազուլիսը (թագավորը) իշխանաց իշխանի պարտականությունները հանձնել էր իր մերձավորներին որպէս վասալական ծառայություն, իսկ ինքը մնում էր գերագույն կառավարիչ (այդպէս էր նաև Բագրատունիների մոտ): Սյունիքում իշխանաց իշխանը գլխավորում էր նաև բանակը:

«Բագրատունյաց տէրութիւն»: Նրա մասին առաջին հակիրճ տեղեկությունը վերաբերում է Սմբատ սպարապետի շրջանին. նշելով վերջինիս մահը, պատմիչ Ստեփանոս Ժրբելյանը ավելացնում է. «Եւ պայազատէ գտէրութիւն նորա (Աշոտ), որ և թագաւորեացն իսկ»⁵⁴: Բագրատունյաց «իշխանութիւնը» նույնպէս Սմբատի ձեռքում էր, այդ մասին վկայում է Կիրակոս Գանձակեցին. «Իսկ զկնի մահուան իոստովանողին Սմբատայ առնու զիշխանութիւնն Աշոտ, որդի

47 Նույն տեղում, էջ 240:

48 Հովհաննես Դրասխանակերտցին Գեղարքունիքի իշխան Վասակ Դարուտի մասին, որը կարևոր ժամանակով դարձավ գահերեց, գրում է, որ նա «վարեալ զիշխանական պետութիւն իր» (տե՛ս էջ 135):

49 Գահակալ իշխան Սմբատի կին Սոֆիին 936 թ. կառուցել էր Դնդեվանքը և այդ առթիվ գրել, որ եկեղեցին կառուցված է «...յարեւատութիւն իշխանաց իշխանին Սմբատայ և որդեկաց մերոց» (Ստ. Օրբելյան, էջ 262):

50 Նույն տեղում, էջ 301:

51 Նույն տեղում, էջ 318:

52 Նույն տեղում:

53 Նույն տեղում:

54 Նույն տեղում, էջ 172: Սամուէլի քահ. Անեցույ հաւաքմունք ի գրոց պատմագրաց. Վաղարշապատ, 1893, էջ 94:

ներառեալ Այնուհետեւ Աշոտը «տէրութիւնը» հանձնել է իր որդի Սմբատին: Արուսի Ս. Գրիգոր տառարի 867 թ. արձանագրութիւնում գրված է. «ՅԺԶ (867) թուականին Հայոց իշխանութեան Աշոտը եւ ի տէրութեան Սմբատայ Հայոց սպարապետի Բագրատունոյ եւ ի կաթողիկոսութեան Զաքարիայի եղև կոիւ ընդ Արուս եւ ընդ Կոչ...»⁵⁶ (խոսքը Արուս եւ Կոչ գլուղների միջև ընդ համար ծագած վեճի մասին է, որը կարգավորել էր Սմբատի «ծառա» Գրիգորը):

Սմբատի «տէրութիւնը» վկայված է նաև Լազարյան Ավետարանի հիշատակարանում. «Գրեցաւ ս. և Կենսաբեր ավետարանս այս ՅԼԶ թուականութեան Հայոց (867), ի հայրապետութեան Գևորգայ Հայոց կաթողիկոսի եւ իշխանութեան Աշոտի իշխանաց իշխանի եւ ի տէրութեան Սմբատայ Բագրատունոյ»⁵⁷:

Այսպիսով, Բագրատունիները եւ, մյուս տների նման, IX դարում ունէին և՛ «տէրութիւն», և՛ «իշխանութիւն», բայց նրանց մոտ այդ երկու ինստիտուտները զխաղաղում էին տարբեր անձնավորութիւններ: Ընդ որում, Աշոտի «իշխանութիւնը» 857—862 թթ. ընդունում էին Բագրատունիների անմիջական վասալ իշխանները, իսկ 862—890 թթ. նրանց հետ նաև բոլոր հայ գահերէց իշխանները⁵⁸:

Բագրատունիների «տէրութիւնը» ավելի հաճախ է հիշատակվում աղբյուրներում հայ պետականութեան վերականգնման շրջանից, ամենից շատ և կարեւոր տեղեկութիւններ հաղորդում է կաթողիկոս Լ. պատմիչ Շովհաննես Դրասխանակերտցին: Աշոտ I-ի թագավորութեան կապակցութեամբ նա գրում է. «...պսակեն զնա թագաւոր ի վերայ Ասքանազեան ազգին: Եւ այնուհետեւ բազում ի երեսի կարգս յարդարէր աշխարհի տէրութեան իւրոյ, յօրինածս տանց, ազգաց, բաղարաց, շինից, դաստակերտաց...» Եւ այսպէս ի նորոգատուր թագաւորութեան բարձրացումը դարձաւ Թորգոմեան: Իսկ Բարսեղ I-ը, ճանաչելով նրա թագաւորութիւնը, թագ է ուղարկում նրան «եւ հաղորդակից կացուցանելով յամենայն թագաւորութիւնս տէրութեան իւրոյ»⁵⁹: Այս երկու վկայութիւններից երկուսն է, որ Աշոտ I-ի օրոք կար «տէրութիւն», որը ընդգրկում էր ամբողջ Հայաստանը (նրա անկախութիւն ձեռք բերած մասը): Այդ «տէրութիւնը» ուներ իր թագավորութիւնը:

«Տէրութեան» մասին Դրասխանակերտցու երկում ավելի արժեքավոր տեղեկութիւններ կան Սմբատ I-ի շրջանի վերաբերյալ, ընդ որում այդ տեքստերը պատմիչը հորժածում է մի քանի իւսաստույ՝ որոնք բացատրութեան կարիք ունեն: Նախ, Սմբատի «տէրութիւն» ասելով պատմիչը

⁵⁵ Կ ի Ր ա կ ո ս Դ ա ն ձ ա կ ե ց ի. Պատմութիւն Հայոց. Երևան, 1961, էջ 79:

⁵⁶ Գ. Շ Ո Վ Ա Ն Ֆ ի Յ ա ն. Գրութեան արվեստը հին հայոց մեջ. մ. Գ. Քարտեզ հայ հնագրութեան. Վաղարշապատ, 1913, էջ 11 (լուսանկար՝ տախտակ Ժ): Կ. Կոստանյանցի «Վիճական տարկերբում» (ՍՊԲ, 1913, էջ 3) արձանագրութեան տարեթիվում Զ-ի փոխարեն տպված է Ը, որը սխալ է: Արձանագրութիւնում հիշվող սպարապետ Սմբատը կարող է լինել միայն Աշոտ իշխանաց իշխանի որդի Սմբատը, այլ ոչ նրա հայրը, որը 855 թ. գերված հայ իշխանների հետ մեկտեղ էր Սամառա և այնտեղ էլ մահացել: Բայց Աշոտի իշխանաց իշխանութեան տարիներին Հայոց սպարապետն էր վերջինիս եղբայր Աբասը. պետք է եզրակացնել, որ Աբասից առաջ որոշ ժամանակ սպարապետ էր Աշոտի որդին: Անունների շփոթութիւնը բացատրվում է, արձանագրութիւնը ընկերացվում է շատ պարզ, բացի այդ նրանում հիշվող կաթողիկոս Զաքարիան ընտրվել է Սմբատի աքսորվելու նախօրէին և պահակաւել 855—876 թթ. (տե՛ս Մ. Օ Ր Մ ա ն յ ա ն. Ազգապատում. հ. 1, Կ. Պոլիս, 1912, էջ 979):

⁵⁷ Գ. Շ Ո Վ Ա Ն Ֆ ի Յ ա ն. Յիշատակարանը ձեռագրաց. Անթիլիաս, 1951, էջ 84: Հիշատակարանում նշված 887 թ. ճիշտ լինել չի կարող, որովհետև այդ թվականին Աշոտը արդեն թագավոր էր:

⁵⁸ Թովմա Արծրունին Աշոտի վարչական իշխանութեան մասին գրում է. «Եւ ամ իշխանական ձոխութեան, ին ամ իշխանաց իշխանական պետութեան, Դ ամ ի թագակապ շքեղութեան» (տե՛ս Թ Ո Վ Մ ա Ա Ր Ժ Ր Ո Ն ի, էջ 229—230):

⁵⁹ Շ Ո Վ Հ ա ն ն ե ս Դ Ր ա ս խ ա ն ա կ ե Ր տ ց ի, էջ 139, 140: «Ազգ Թորգոմեան» ասելով՝ պատմիչը նկատի ունի ամբողջ Հայաստանը: Նույն իմաստն ունի նրա վկայութիւնը, որ Աշոտը հրամայեց Գևորգ Դառնեցուն ձեռնադրել «յառաջնորդութիւն տանս Թորգոմայ» (էջ 137): Տե՛ս նաև Հաւարումն պատմութեան Վարդանայ վարդապետի. Վենետիկ, 1862, էջ 85:

նկատի ունի «Արմինիան»⁶⁰, իսկ ստորև մեջբերվող երկու օրինակներում՝ ամբողջ Հայաստանը։ Երբ խալիֆն ու Ատրպատականի ամիրա Յուսուֆը Սմբատից պահանջում են տալ «զօական արքունի», վերջինս ստիպված է լինում ամբողջ երկրում հարկահավաք կատարել։ «Եւ ապա ընդ բոլոր աշխարհս տէրութեան իւրոյ Հինգերորդել հրամայէ զամենայն երամակս ձեռք և զանդեայս արջառոց և զհօտս ոչխարաց»⁶¹։ Այլ տեղ պատմիչը հաղորդում է, որ Միշագեթի ամիրա Ահմադը 890-ական թթ. վերջում զավթել էր Տարոնն ու Աղձնիքը՝ 898 թ. Սմբատը պահանջել էր վերադարձնել այդ մարզերը, «զի մի տարամերժեցցի սեպականութիւն ազգացն այնեցիկ ի բնիկ տէրութենէ»⁶²։

Սմբատի «տէրութիւն» արտահայտությունը գործածվում է նաև Բագրատունյաց ոստանի իմաստով։ Այսպես, Սմբատի բարձրաստիճան պաշտոնյա Հասան Գնթունին արքունի տան «հրամանատար» էր, միաժամանակ՝ «իշխան և հրամանատար բոլոր տէրութեանն արքայի»⁶³։ Պատմիչի խոսքը Բագրատունյաց ոստանում Հասանի պաշտոնեություն մասին է։ Բագրատունյաց ոստանին կամ նրա առանձին շրջաններին է վերաբերում նաև «տէրութեան» շիշատակում ալլ տեղեկում⁶⁴։

Դրասխանակերտցին Սմբատի «տէրութիւն» տերմինը օգտագործում է նաև նրա սեփական տիրույթը նշելու համար⁶⁵։

Վերջապես, «տէրութիւն» տերմինով պատմիչը անվանում է վասալայությունական կապերը որպես գերադասի (սյուղերենի) և վասալ ֆեոդալների միջև հաստատված քաղաքական հարաբերությունների սխեմա, ինստիտուտ։ Կարելի է բերել մի քանի օրինակներ։ Բագրատունյաց ոստանի վարչական միավոր «Ուտի գավառի» (Աղստե գետի միջին հոսանք) կառավարիչ (սիշխան) Մովսեսը, ըմբոստանալով Աշոտ II-ի դեմ, գնում է ծանարների բորեպիսկոպոսի մոտ՝ մտադրվելով ենթարկվել նրա «տէրութեանը»⁶⁶ (ընդունել նրան որպես «տէր»՝ սյուղերեն)։ Նույն «գավառի» նոր կառավարիչ Տիրիկ Ամրամը 922 թ. նույնպես ըմբոստանում է Աշոտի դեմ. նա «լքեալ խոտեալ անարգեալ զբնիկ տէրութիւն իւր՝ հաճէր հաւանել մտանել ընդ լծով ծառայութեան անբնիկն Գուրգենայ, որ էր իշխան իշխանաց Գամրաց աշխարհին»⁶⁷։ Այս հաղորդումներից պարզ երևում է, որ «տէրութիւնը» կապված էր «ծառայության» հետ։

60 «Շապիղ տէրութեան իւրոյ» (Սմբատ I-ի), որը ձգվում էր Կարինից մինչև Տուս ու Նամբոր և Կովկասի լեռները և որը որոշ հարկ էր վճարում խալիֆայությանը («ընդ լծով արքունի սակից և բեկարաց»։ Հովհաննես Դրասխանակերտցի, էջ 161։ Հմմտ. նաև էջ 181)։

61 Նույն տեղում, էջ 205։

62 Նույն տեղում, էջ 173։ Հմմտ. Թովմա Արծրունի, էջ 236։

63 Հովհաննես Դրասխանակերտցի, էջ 179, 205։ Արքունի տուն՝ տվյալ դեպքում Սմբատ I-ի գլխավորած ֆեոդալական տունն է, որը սովորաբար անվանում են Շիրակի տուն։ Իս—Ջ դդ., մինչև Աշոտ III-ի շրջանը, Շիրակի տուն հասկացություն չկար, Սմբատ սպարապետի հիմնած տունը 885 թ. հետո համարվում էր «արքունի տուն», որը հիշատակում է Դրասխանակերտցին, այն գլխավորում էին Աշոտ I-ը և Սմբատ I-ը, իսկ Աշոտի որդիները համարվում էին «արքունի տան գահերեցներ» (տե՛ս Հովհաննես Դրասխանակերտցի, էջ 143)։

64 Աշոտ Երկաթը արաբներից մարբել էր «զբոլոր իսկ ամրոցս տէրութեան հօր իւրոյ»։ Աղստեի հովտի ամրոցները և Արշարունիքը համարվում էին Աշոտ II-ի «տէրութեան» ամրոցները կամ «աշխարհը» (տե՛ս Հովհաննես Դրասխանակերտցի, էջ 243—245, 309, 310)։

65 Սմբատը գալիս է «ի սեպական կալուածս տէրութեան իւրոյ յերազգաւորս» (Հովհաննես Դրասխանակերտցի, էջ 218)։ Սակայն այս դեպքում «տէրութիւնը» կարելի է հասկանալ նաև ամբողջ երկրի իմաստով, որովհետև Երազգավորսը այդ շրջանում միաժամանակ և ամբողջ Հայաստանի մայրաքաղաքն էր։ Բայց մեր կարծիքով, նախընտրելի է առաջին մեկնաբանումը։ «Սեփական տէրութիւն» ասելով՝ պատմիչը սովորաբար նկատի ունի անձնական տիրույթները. օրինակ՝ Աշոտ Երկաթը և Աշոտ Շապուհյանը ներառատական պայքարում ավերում էին «սեպական տէրութիւն աշխարհին իւրեանց» (էջ 299)։

66 Հովհաննես Դրասխանակերտցի, էջ 303։

67 Նույն տեղում, էջ 320։ Դամիրբի իշխան իշխանաց Գուրգենը բյուզանդական հայտնի զորավար Հովհաննես Կուրկուսան է, որը 920—922 թթ. հարձակվել էր Դվինի վրա և միաժամանակ որոշ հայ ֆեոդալների գրգռել Աշոտ II-ի դեմ (տե՛ս Ա. Տեր-Ղևոնդյան. Արաբական ամիրայությունները Բագրատունյաց Հայաստանում. Երևան, 1965, էջ 137)։

Պատմելով Սմբատ I-ի դեմ կազմակերպված խռովութիւններից մեկի մասին. Դրասխանա-Վերտցին գրում է, որ թագավորին օգնության էին եկել նրան հավատարիմ իշխանները: Թեպէթ իբրև գուծ աղմկի աղաղակին ընդ ոլորտս տէրութեանն արքայի սփռէր, ամենայն պատերազմող մարտիկ զօրք անցեալ ի հանդիսի... զմի զինուորութիւն զինուորէին, և զմի զրա՝ ճշմարտութեան ազանէին... և զմահի իւրեանց իբրև զանշուշտ կեանս ի վերա՝ վրէժինդրութեան թագաւորին համարէին»⁶⁸: Այս հաղորդման մեջ «ոլորտ տէրութեան արքայի» նշանակում է պետութեան այն մասերը, որտեղ ընդունում էին Սմբատի սյուզերենութեան (ստէրութեան) իրավունքը:

«Տէրութեան» մասին Դրասխանակերտցու մոտ տեղեկութիւններ կան նաև Աշոտ II-ի շրջանից, նույնպէս տարբեր իմաստներով: Վկայված է Աշոտի «ստէրութիւնը» ամբողջ Հայաստանում: Դահակական պայքարում հաղթելով Գագիկ Արծրունուն և Աշոտ Շապուհյանին, նա ստիպեց հայ ֆեոդալների մեծ մասին, ինչպէս նաև Բյուզանդական կայսրութեանն ու խալիֆայթին, ճանաչել իրեն Հայոց թագավոր: 922 թ. կայսր Կոստանդին Միրանաժնի հրավերով նա մեկնեց Կ. Պոլիս, որտեղ նրան ընդունեցին մեծ պատիվներով և ճանաչեցին նրա թագավորական իրավունքները: Որոշ ժամանակ Բյուզանդիայի մայրաքաղաքում մնալուց հետո Աշոտը «խնդրէ հրաժեշտ դառնալոյ անդրէն ի հայրենի տէրութիւնն»⁶⁹: Հայաստանում Բագրատունյաց «ստէրութեան» իշխաններից շատերը, ինչպէս նաև Սյունյաց ֆեոդալները (բացառությամբ Վասպուրականի) ճանաչեցին նրա սյուզերենութիւնը: Այդ մասին պատմիչը ցրում է, որ Կ. Պոլսից վերադառնալուց հետո «զբազումս նուաճեալ ի հնազանդութիւն ինքեան կացուցանէր և ի բազմաց նորրեծայ իմն հիւրամեծարութեան ակն կալեալ սպասւր»⁷⁰: Աշոտին ներկայացան Սյունյաց գահադուլիս Սմբատը և Սյունիքի գահակալները (Գեղարքունիքի ճյուղից Վասակն ու Սահակը)⁷¹: Դա, նշանակում է, որ Սյունիքի իշխանները Աշոտ II-ին ճանաչեցին պետութեան ղեկավար, իսկ Սյունիքը մնաց վերջինի գլխավորած «հայրենի տէրութեան» կազմում:

Այսպիսով, սույն շարադրանքից երևաց, որ IX—X դարի առաջին երեսնամյակում Հայաստանում գոյություն ունեին իրենց «ստէրութիւններ»՝ Վասպուրականի, Սյունյաց և Բագրատունյաց:

Բնական հարց է առաջ գալիս՝ արդյոք նշված երեք «ստէրութիւնները» կապված էին միմյանց հետ և եթե այո՝ ի՞նչ եղանակով:

Աղբյուրների (առաջին հերթին երեք տոհմական պատմիչների) վկայութիւնները մատնացուց օս անում, որ մեզ հետաքրքրող ժամանակաշրջանում Վասպուրականի ու Սյունիքի գահազուլիս կամ մեծ իշխանները (առաջինները կարճատև ընդմիջումով) ընդունում էին Բագրատունի գահերեցների սյուզերենութիւնը, նրանց միջև հաստատված էին հարաբերութիւններ վասալիտետի սկզբունքով՝ փոխադարձ ծառայութիւն և հովանավորութիւն:

Հովհաննէս Դրասխանակերտցին գրում է, որ 862 թ., երբ Աշոտ Բագրատունին դարձավ իշխանաց իշխան, բոլոր իշխանները «դաշինս ընդ նմա դնէին», իսկ նրա եղբայր սպարապետը՝ Աբասը, շատերին հնազանդեցրեց Աշոտին «ընդ լծով ծառայութեան»⁷²: Նա նկատի ունի Վասպուրականի և Սյունիքի գահերեցներին, որոնք ճանաչում էին Աշոտին որպէս սյուզերեն

68 Հ ո վ հ ա ն ն ե ս Դ ր ա ս խ ա ն ա կ եր տ ց ի, էջ 207, 208:

69 Ն ույն տեղում, էջ 292:

70 Ն ույն տեղում, էջ 293:

71 Ն ույն տեղում, էջ 294: Ս տ. Օրբելյան, էջ 193: «Տէրութեան» օգտագործումը մյուս հիմաստներով (Բագրատունյաց ոստանի կամ սեփական տիրույթների) տե՛ս ծան. 64, 65:

72 Հ ո վ հ ա ն ն ե ս Դ ր ա ս խ ա ն ա կ եր տ ց ի, էջ 133, 135:

(«հայր») և ընդունում նրա հավանավորությունը («խնամքը») 73. Բազրատունիների հետ առանձնապես սերտ հարաբերություններ ունեին Սյունիքի իշխանները 74:

908 թ. մահացավ Սյունյաց գահերեց Աշոտը, նրա որդի Սմբատին գահերեց իշխան Վաչագանեց Սմբատ 1 Բազրատունին, որը այդ նպատակով եկել էր Սյունիք. իսկ Սյունյաց Սմբատը ենթարկվեց Հայոց թագավորին որպես «որդի սիրելի» 75:

Այսպիսով, Վասպուրականի և Սյունիքի «տէրութիւնները», իրենց «գահազուխ և տէր»-ի վաստակաւ կապերի միջոցով կապված էին Բազրատունյաց «տէր»-ի հետ: Այդ իրադրությունն է հաստատում Թովմա Արծրունու այն տեղեկությունը (էջ 207), որ Արաբիայից վերադարձած հայ իշխանները «հնազանդեալք ընդ պետութեամբ իշխանաց իշխանի»: Ծթն այդ փաստը համարենք Դրասխանակերտցու վերոհիշյալ վկայութեան հետ. ապա պարզ է դառնում, որ Աշոտի «պետութիւնը» տարածվում էր այն իշխանների վրա, որոնք «դաշինքով» և «լծով ծառայութեան» կապված էին Աշոտ Բազրատունու հետ:

Նույն պատմիչների այլ տեղեկությունների համադրումը ցույց է տալիս, որ Սմբատ 2 Բազրատունին նույնպես ուներ իր «պետութիւնը», որը գործում էր իր ամբողջ «տէրութեան» մեջ: Այսպես, ըստ Դրասխանակերտցու Սմբատը ցանկանում էր վերադարձնել և միացնել Տարոնը իր «բնիկ տէրութեան»-ը, իսկ Թովման գրում է, որ Ահմադ ամիրան Տարոնը «հանձնալ ի Հայոց պետութենէն» 76: Այլ տեղ նա հաղորդում է, որ Ապահունիքի կայսիկ ամիրա Արզղահմանի որդիները «ապստամբեալ էին ի պետութենէ թագաւորին, տալ հարկս և զինւորել որպէս օրէն էր» 77: Բերված օրինակներում «Հայոց պետութիւնը» վերաբերում է Սմբատի «տէրութեանը», ուստի վերջինը, փաստորեն, համազոր է Հայոց (համահայկական) «տէրութեանը»:

Վերը ասվեց իշխանաց իշխան Աշոտի «պետութեան» մասին. այդպիսին նա ուներ նաև իր Բագավորության տարիներին: Պատմագիր Ասողիկը նրա վերաբերյալ գրում է. «Եւ բազում անգամ զիշխանութիւն պետութեանս Հայոց առեալ» 78: «Բազում անգամ»-ը մեր կարծիքով վերաբերում է 862-ից մինչև 890 թ. ընկած ժամանակաշրջանին, երբ Աշոտը վարչական իրավունքներ ուներ ամբողջ Հայաստանում: Ուրեմն Աշոտ 1-ը ու Սմբատ 1-ը ունեին թագավորական «պետութիւն», ինչպես գահազուխ իշխաններն ունեին «իշխանական պետութիւն» (իսկ 862—885 թթ. Աշոտ Բազրատունին՝ իշխանաց իշխանի «պետութիւն»): Այն տարածվում էր հայ իշխանությունների՝ Վասպուրականի և Սյունիքի, կայսիկների ամիրայության և մյուսների վրա. որոնք վասալիտետով ենթարկվում էին Բազրատունիներին:

73 Դերենիկ Արծրունին ընդունում էր Աշոտի «հաշտական» իրավունքը, նրա հաջորդ Աշոտ Արծրունին Սմբատ 1-ի հետ ուներ «դաշինք ուխտի» (տե՛ս նույն տեղում, էջ 135, 136, 171): Ավելի վաղ Դերենիկի հայր Աշոտը Բագարատ Բազրատունու հետ նույնպես կապված էր «ուխտով»: Բագարատը ուներ «զգլխավորութիւն րարծակցութիւն իշխանաց Հայոց» (տե՛ս Թովմա Արծրունի, էջ 107, 109):

74 Սյունյաց «մեծ նահապետ» Սահակը «միաբան և միախորհուրդ» էր Սմբատ սպարապետի հետ (տե՛ս Ստ. Օրբելյան, էջ 166), Վայոց ձորի և Գեղարքունիքի իշխաններ Վասակ իշխանիկը 1. Վասակ Գաբուրը Աշոտ իշխանաց իշխանի վասալներն էին, վերջինս Գարուտին «կացուցանեց» գահերեց իշխան (տե՛ս Հովհաննես Դրասխանակերտցի, էջ 135, 136):

75 Ստ. Օրբելյան, էջ 184, 185: Ատրպատականի ամիրա Ավշինը, ցանկանալով խախտել հայ իշխանների միաբանությունը, փորձում էր Սյունյաց գահերեցին վասալիտետով կապել իր հետ: Սմբատը թեև ներկայացավ Ավշինին, բայց չի ընդունել «միաբանութիւնը» Հայոց թագավորի հետ: Խնդրեց նրան լմբովել թխնամոցն հայրական սիրոյն» (տե՛ս Հովհաննես Դրասխանակերտցի, էջ 172):

76 Հովհաննես Դրասխանակերտցի, էջ 173: Թովմա Արծրունի, էջ 236:

77 Թովմա Արծրունի, էջ 245:

78 Ասողիկ, էջ 158:

«Տէրութեան» շուրջ կատարած մեր քննութիւնը ցույց է տալիս, որ այն ներկայացնում էր ֆեոդալների վարչաքաղաքական կառավարչութիւն: «Տէրութիւնը» նույն իշխանութիւնն էր կամ թագավորութիւնը՝ դիտված վասալացիներենական կապերի տեսանկյունից: IX դարում— X դարի սկզբին Հայաստանում կաշին երեք այդպիսի «տէրութիւններ», որոնք IX դարի վերջում (պահպանելով ներքին ինքնուրույնութիւնը) միասին կազմեցին Հայոց թագավորութիւնը: Բաղրամուրջի «տէր» գլխավորութեամբ: Վերջինս մյուսների համար Հայոց թագավոր էր և «առաջինը» հավասարների մեջ:

Նշված «տէրութիւնները» Հայաստանում կաշին նաև Հայոց թագավորութեան հաջորդ, մասնատվածութեան շրջանում (X դարի կեսեր—1045 թ.), որոնց դերը երկրի ներքաղաքական կյանքում պահանջում է առանձին ուսումնասիրութիւն:

ТЕРМИН ТЕРУТЮН КАК ОТРАЖЕНИЕ СИСТЕМЫ ВАССАЛЬНО-СЮЗЕРЕННЫХ ОТНОШЕНИЙ (IX—первая треть X вв.)

Р. И. МАТЕВОСЯН

(Резюме)

Термин *терютюн*, распространенный во внутривосточной и социально-экономической жизни Армении IX—XI вв., имеет несколько значений. Этим термином исторические X—XI вв. обозначают наследственные уделы крупных феодалов, государства (Арабский халифат, Византийскую империю, Армению и др.). Анализ письменных источников показывает, что *терютюн* означал также систему вассально-сюзеренных отношений, вассалитет как политический институт. *Терютюн* формировался через взаимные военно-политические связи феодалов (*ухты* — договоры о службе и покровительстве) с их сюзеренами — удельными князьями (*терами* армянских источников). В IX—XI вв. в Армении существовало три крупных *терютюна* — в Васпуракане, Сюнике и Багратидском домине, возглавлявшихся своими *терами*. Первые два через вассалитет были связаны с Багратидским *тером*, которого они признавали верховным сюзереном — «первым среди равных». В конце IX в. (885 г.) путем объединения названных *терютюнов* в единое Армянское царство была восстановлена армянская государственность; Багратидский *тер* стал царем Армении. В дальнейшем, с появлением удельных царств, государственное устройство Армянского царства претерпело изменения.